

普曜經卷第四

西晉三藏法師竺法護譯

鳴六

四出觀品第十一

佛告比丘時諸天人勸發菩薩父白淨王寐夢覩見菩薩出家樂於寂然諸天圍遶又見剃頭身著袈裟時從夢覺即遣人問太子在

楊用

宮不侍者答曰太子在耳時白淨王入太子宮今觀太子必當出家所以者何如我於今所見變應心自念言太子將無欲行遊觀當勑四衛嚴治道路學調伎樂普令清淨却後七日太子當出使道平正莫令不淨勿使見非諸不可意即時受教皆當如法嚴治已竟

不解句義愚人自大不覺老至自投塵埃便可迴還用是五樂不益於事目覩如幻空中之電還入宮中思惟經典愍念十方宜以法藥必療治之菩薩後日復欲出遊王勑外吏嚴治道路去諸不淨菩薩駕乘出南城門復於中路見病人水腹身羸卧于道則氣息張口命將欲絕菩薩知之故德發問告御者曰此爲何人御者答曰此名病人已至死地命在須臾骨節欲解餘壽如髮菩薩即曰萬物無常有身皆苦生皆有此何得免之吾身不久亦當然矣不亦痛乎有身有苦無身乃樂即還入宮復於異日報王遊觀王勑外吏

西垂餘壽無幾故曰老矣菩薩即曰是則世法而有此難一切衆生皆有斯患人命速駛猶山水流夙夜逝疾難可再還老亦然矣不亦苦哉一心專精思惟正義御者答曰不獨此人遇苦患也天下皆爾俗之常法聖尊父母親里知識皆致此老咸同是業菩薩時曰

嚴治道路太子駕乘出西城門見一死人著于牀上家室圍遠昇之出城枝淚悲哭椎胷呼嗟頭面塵垢淚下如雨何爲棄我獨逝而去菩薩知之而復問曰此爲何人御者答曰此者死人人生有死猶春有冬身死神逝室家別離人物一統無生不終菩薩答曰夫死

鳴六二

痛矣精神劇矣生當有此老病死苦莫不熟中迫而就之不亦苦乎吾見死者形壞體化而神不滅是故聖人以身爲患而愚者保之至死無狀吾不能復以死受生往來五道勞我精神便迴車還思度十方復於異日報王出遊出北城門見一沙門寂靜安徐淨修梵行諸根寂定目不妄視威儀禮節不失道法衣服整齊手執法器菩薩問之此爲何人御者答曰此名比丘已棄情欲心意寂然猶如大山不可傾動難汙如空屈伸低仰不失儀則心如蓮華悉無所著亦如明珠六通清徹無一蔽礙慈心一切欲度十方菩薩即言善

哉唯是爲快是吾所樂心意寂靜自愍度彼善業快利成甘露果佛告比丘父王白淨觀菩薩行見聞如是不慕世榮心如虛空而心懷怖據畏之出家宿夜將護高其牆壁深掘諸塹更立城門開閉之聲聞四十里立諸宿衛勇猛之士被鎧執杖於四城門皆勑衆兵勿有遺漏將無太子捨吾出家於其宮裏亦宿衛之益衆妓人媒女娛樂令太子悅不懷憂惑又其菩薩宿積智德在胎中時威神吉祥夢中所見功勳大祚十方自然有蓋采覆三界逮得安隱開化一切滅諸惡趣於四衢路有四色鳥變爲一色見諸不淨徑行其上

鳴六三

而不汙足又有大水汎汎盈溢衆生欲度而不能越心懷恐怖即過度之見無數人皆被疾無有醫藥即爲療治無央數病使無諸疾自見其身坐師子牀天人在上叉手稽首見在戰鬪降伏怨敵無數諸天在空中侍真正聖人夢中見此清淨吉祥行正具足天人

楊

聞之心懷恍豫不久成道爲天人尊於是菩薩則作此念假使我身不見釋王而出家者便爲不應則時靜夜自出宮堂入王宮殿悉觀殿堂而無所礙光照遠近王覺見光即時遣人觀四城門將無出去何故大光明照遠近侍者來白天尚未曉日亦未出自然光明照諸牆壁樹木飛鳥鳬鴈孔雀鴛鴦相和而鳴方欲向明是光第一柔軟安隱清涼和雅牆壁樹木永無有影至德於是在彼思惟觀於四方坐見窟牖時有諸天人即起欲去不得自在顧省其父知之覺起立啓父王勿懷愁慼勿以遠慮諸天勸助今應出家唯忍過

住一劫不離於死假使父王與此四願不復出家王聞重悲此四願者古今無獲誰能獨除此四難者子如師子勸助愍哀普度衆生具足如意所願者得於是菩薩自出宮殿一心住立無有覩見往來周旋於時父王明旦即起朝會諸釋以是告之太子必出捨國學道當何施計諸釋答曰當勤將護所以者何諸釋部黨衆多無極雖復力強何能獨出時白淨王勑五百釋勇多力者有方便計使五百兵普學諸術令大力士住守東城門宿衛菩薩一一釋者從五百兵一一車乘五百人從宿衛菩薩四門俱然諸四衢路里巷諸門亦復俱然父王已身與五百釋前後圍遶象馬車乘住已宮門晝夜不眠時大愛道自告侍從宿夜然燈燒香勿得眠寐今者離垢不樂在宮必欲出家悉共遮護勿得使去作諸妓樂今心樂之堅閉門戶勿令妄開嚴諸縉紳飾牕牖林樹果實悉令目覩假使欲去

鳴六

四

孫

慕樂此供或能不出佛告比丘於是即時二十五鬼神將軍及般遮鬼將軍鬼子母五百子等悉共集會各各議言今日菩薩棄國捐家我等咸共侍從供養又四天王一時普告諸鬼神界今日菩薩棄國捐王汝等殷勤侍從供養其鬼神衆皆捉五兵勢力堅強猶如

金剛不可毀壞精進勇猛將護衆生其身高大如須彌山將無惡物犯於至德釋梵焰天燒術天無慢天化自在天各勑官屬無數千前後導從華香伎樂香汁灑地侍從菩薩釋梵天王侍在左右時有天子名曰寂意我當將護迦維越國一切男女大小勸安和之

又有天子名曰光音即自說言我身當化一切象馬車乘男女所暢音聲沒使不聞令人心寂靜而無所念復有天子名曰清淨我在虛空立七寶路懸垂一切日月明珠照曜光光設繒旛蓋散華燒香嚴治途路侍從菩薩伊羅末龍王言我當化作三萬八千里交露

鳴六

之車使諸王女皆坐其上作眾妓樂侍從菩薩而供養之天帝釋曰吾將眷屬菩薩前導法行菩薩曰吾當興起紫磨金雲雨栴檀香皆遍天下和鄰龍王摩難斯龍王散拘龍王阿耨達龍王難頭和難龍王各自說言亦當興起紫磨金雲當雨微妙栴檀名香如是比丘天龍鬼神健沓和等心常懷願欲得聽省菩薩正道所思惟法慕樂安隱入於宮內思念過去諸佛所行愍傷衆生本行道時不捨四願以至純淑何謂爲四本學道時設成正覺遠一切智被弘誓鎧衆生困厄被衆惱患吾當濟脫生老病死三界之縛倚在世俗周旋衆難使至寂然今無恩愛是第一願衆生沒在無明杳冥悉無所知愚癡暗昧生穢濁想當爲顯示如清淨眼內外無限是第二願衆生在世立自大幢常計吾我而意貪身尊己競彼心存顛倒處諸邪見無常謂常不慕聖道墮於三業皆當開化今入正真是第三

願衆生沒在生死之患輪轉無際滅智慧根
迷惑五趣不能自濟當爲說法令得度脫是
爲四願吾往古時立是四願今已得之不可
違捨以故出家成就正覺度脫十方爾時法
行天子淨居天子來入宮殿自現形像娛樂之
形無常之變住於虛空時爲菩薩說此偈言

天子在空歎 覺蓮華寂明 云何在五欲
大聖當捨家 受我所勸助 當觀於後宮
覩諸迷惑衆 如在死人間

普曜經出家品第十二

於時菩薩普觀眷屬視衆妓女皆如木人百
節空中譬如芭蕉中無有實亂頭倚鼓委擔
服琴更相倚枕臂脚垂地鼻涕目淚口中流
涎琴瑟箏笛樂器縱橫鴉鵠鴛鴦警備之輩
皆悉淳昏而卧菩薩遍觀顧視其妻具見形
體髮爪腦髓骨齒髑髏皮膚肌肉筋脉肪血
心肺脾腎肝膽腸胃屎尿涕唾外是革囊中
有臭處無一可奇強熏以香飾以華絰猶假

借當還亦不得久計百年之命卧消其半又
多憂患其樂無幾淫失敗德令人愚癡非彼
諸佛緣覺真人所稱譽也故曰貪姪致老瞋
恚致病愚癡致死除此三者乃可得道一切
所有皆如幻化三界無怙唯道可恃於是頌曰
見彼興慈愍 歎息發大哀 是世毒痛難
何因樂愛欲 懷憂憐愚冥 欲苦反謂安
捨貪樂智慧 不捨不得安
於是菩薩以斯法門察於後宮興發大哀而
爲兩淚心甚愍之癡人有三十二察於衆生
愚者迷惑爲此所害生於八難所見惡染猶
如盡瓶毒滿其中愚者不解謂之甘露愚者
惑中駛水漂蒙愚者樂之如飲毒水愚人處
是如犬駁骨愚人墮此如人入煙愚人貪惡
如墨塗衣愚人厄此如鳥墮網愚人見挽如
牛溺泥愚人投此猶若破船沒於大海愚人
墮此如盲投谷愚不得限如海無底愚人燒

此劫燒天地愚人迷此如輪無際愚人宛轉
如生盲入山愚人馳逸此若狗縛頸愚人消
此冬燒草木愚人日捐如月十五日後愚人
伏此如諸小龍遭金翅鳥愚人遭此如摩竭
魚吞於大舟愚人惱此如賈遇賊愚人摧此
大樹被斫愚人憂此如遇毒蛇愚人樂此如

鳥六

七

明

蜜塗刀與小兒舐之愚人惑此火燒枯樹愚
人遇此嬰兒弄屎愚人爲此轉如鉤檣象愚
人盡德本如博失財功祚消化愚人見棄如
放逸賈墮於姪鬼是爲三十二事觀於後宮
察諸妓女不淨之想自罵己身坐身患害勿
復貪身莫念是意入於空淨心無所著於是

頌曰

從頭觀至足 察之無一淨 勿得貪其身
是爲罪福田 以故當遠身 淚涕唾惡露
由此莫戀之 行淨如蓮華 棄若干不淨
興平等調定 以知諸毛孔 如蟲不可慕
其身猶如象 骨髓肉血合 筋脉皮裹之

髮毛諸爪齒 有八十種蟲 凡夜食其體
若有明智者 終不計有身

佛告比丘菩薩觀身心思若斯諸欲界天住
於虛空皆見菩薩所可思惟法行天子遙白
菩薩言唯然大聖何以稽遲時已到矣於時
菩薩察於後宮見其心意諸根無常知身不

久猶如流水逝而不返欲人所行計有吾我
何有吾我執取深奧無極道因乃爲第一觀
正境界慕樂聖安計吾我者自謂尊貴心無
所倚乃應行道法行天子又復白言不以是
行得成至佛現在行道所修甚難當察已身
等之山谷是則究竟菩薩大士一生補處於
時菩薩所作暢達其心堅住覺意已了思惟
心悅咸來奉事捨衆塵垢外無恭恪其順道
訓念念安隱淡若淨水即從座起心中悅豫
觀察前衆則以右掌披寶文露帳上講堂上
又其十指念十方佛而遙禮之觀虛空中諸
天百千皆來圍遶散華燒香雜香擣香衣服

幡綵手執幢蓋諸供養具曲躬作禮見四天王鬼神羅刹犍沓和等諸龍王衆皆被鎧甲棄不吉祥淨諸惡行垂珠瓔珞稽首菩薩日月宮殿諸天子等住其左右各執華香幡綵幢蓋夜已向半爾時菩薩告車匿曰速起嚴被白馬今日人尊宜吉祥時應當出去車匿

鳴六

八

楊

聞之心懷憂感淚下如雨所行平等光明清淨猶若師子今若欲行願見告示而色端正如秋月滿顏貌和悅無有瑕短所覺清淨猶若蓮華音聲和雅明珠火光衆曜晃昱寶瓔珞身心如虛空如鹿中王行如鴈王獨步無難衆皆從之今欲若行於是菩薩復告車匿

欲得白馬宿本所行當致上尊妻子恩愛財寶重業則是牢獄古今遠之身所不樂唯欲護戒奉行忍辱修精進力禪定智慧是心所樂從無央數億百千劫所可奉行志慕成道斷生死原正慧巍巍開化衆生從是以來不樂榮祿唯志大道於時車匿聞大聖言初生

鳴六

九

之

從天尊意造無量行我生愚冥無所識知畜養鬚髮爲身作患增益罪蓋強忍勤苦菩薩告曰諸天世人皆持香華現在目前悉來集會立神足力以用侍吾車匿白曰今此園觀常生華實若干品鳥相和而鳴其浴池中青蓮芙蓉蓮華清淨街路平正諸寶樹木修治

鳴六

九

之

莊嚴八行交道寶交露帳夏月快樂遊戲其中奇巧異樂歌舞相娛悉奉禁戒所言至誠從太子生常順其意不越其教年既幼少面色光澤頭髮正黑能可人意唯當樂此生世如是何爲捨去於時菩薩復告車匿車匿且止是欲無常不可久保如是別離猶如川流

逝而不返不可久保是狂惑業猶如空拳欺
於孺孩羸弱無固猶如泥坯不可恃怙如空
中電須臾已滅又此境界無有真實愚冥之
士以此爲安而見侵欺如水上泡適起便滅
處在顛倒亦如聚沫幻化卧夢五樂無足猶
海吞流渴飲鹹水增其疾患欲之無常唯智

能覺愚人不解猶盲投谷車匿當知欲沒無
擇餓鬼畜生由不善行失清白品增魔境界
怨結鬪諍憂惱苦患與姪鬼會覺者捨逝明
者遠之達者消之無智習之如雜毒食諸佛
所毀知習聖教於是頌曰

捨如棄惡瘡 割之如去糞 見斯故興欲

棄捨常快安

普曜經告車匿被馬品第十三

於時車匿白菩薩曰雖曉了是不貪世榮尚
可顧意慕念瓔珞諸寶文飾濟脫自在不復
觀察名德遠照然竹衣樹音聲和雅笙箒數
千鼓衆伎樂好施危厄音如哀鸞降如真陀

須曼青蓮及思夷華馨香甘美燒諸名香雜
香塗香甚快微妙飲食餚餚酥蜜石蜜百味
之供云何欲捨五樂之欲是吾所欲猶如天
上常在求安爲釋尊位菩薩告曰從無數劫
棄捨此事愛欲之本色聲香味細滑之法數
數往反天上世間歡樂豪貴爲轉輪王千子

七寶遊四天下榮位無常如夢所見處後中
宮嬪女之間以用不甘還上諸天及兜術宮
不果吾志故捨彼來況此弊欲而貪之乎今
自察之住在苦惱生死衆難不淨之中所行
無度而有衆患生老病死酷毒恐怖積累功
德每生自責建立法船布施持戒忍辱精進

鳴六

十

之

一心智慧心如金剛已成大舟矣以度生老
病死四瀆之難愍念衆生迷於貪欲欲今求
安不與欲貪使無罪害濟諸有漏將護一切
衆邪異見今得乘度救諸下劣使住彼岸無
生老病死時車匿益悲白菩薩言故當住此
決了進退菩薩告曰聽我決了愍傷衆生欲

度脫故其心堅住如須彌山而不可傾車匿
又問正士云何菩薩答曰強如金剛所行清
淨勤修顯耀假使大棒破壞我頂終不退還
慕於世榮應時諸天在於其宮聞此言教舉
聲歎曰善哉善哉而兩天華第一最上得勝
得勝爲衆船師人中之尊心無所著亦無恐

懼消除暗冥塵勞煙種無邪境界其心永安
若堅牢船必度彼岸佛告比丘寂意天子耀
淨天子虛空中住城中男女聞菩薩決疑如
是悉共悅豫歎曰善哉皆自遠去于時菩薩
見城中人皆悉眠寐察欲夜半即時起立佛
星適現知時可出即勑車匿起被白馬捷陟

菩薩適宣說此言即時四天王聞菩薩教尋
時便至迦維羅衛大城中庭住供養菩薩提
頭頰吒與無數億百千撻皆憇皆被甲胄從
東方來住東方界稽首菩薩鼓衆技樂在於
虛空毗留勒叉天王與無數億百千鳩丸皆
被鎧甲從南方來住南方界稽首菩薩鼓衆

伎樂在於虛空毗留羅叉天王與無數億百
千龍俱各垂寶瓔從西方來住西方界稽首
菩薩毗沙門天王與無數億百千闍叉手執
焰光明珠威耀晃晃身被甲胄從北方來住
北方界稽首菩薩天帝釋梵與無數億百千
諸天手執華香雜香擣香華蓋幢旛來住虛
空稽首菩薩於時車匿聞菩薩言流涕交面
白菩薩曰唯賢聖子知時識宜今夜非時也
菩薩告言今正是時所以是時吾從父遠長
夜求願爲諸衆生顯示道路今可樂時當度
衆生適得閑靜於是頌曰

天王住虛空 天帝釋亦然 焰天及兜術
無慢化自在 和輪那斯龍 海龍阿耨達
咸來欲供養 見佛時出故 色界諸天人
修寢常行禪 是等來供養 三界普自歸
開士十方來 等昔以造行 欲見勝出家
隨侍而奉事 無極大功勳 金剛掌住空
被鎧力精進 心堅動海水 日月諸天子

善生其左右 靚寂然出家 又十指爲禮
勸喻諸天子 其大精進興 察衆苦惱法
當演清和音 諸吉皆諧偶 勸恭時以至
吾亦與尊俱 無礙必善住 沸星已出現
已化微妙體 力勢衆住前 皆欲共侍從
菩薩從座起則住空中猶若鴈王城中男女

皆疲極寐鳥鷹鴛鴦孔雀赤紫異類衆鳥亦
疲極寐不見衆色象馬騎步諸釋族姓兵仗
宿衛諸帥僚屬亦皆淳寐於時梵聲其音柔
軟響若哀鸞夜已至半重告車匿言善哉車
匿急被捷陟敬奉吾身勿復稽留車匿重悲
淚下如雨今人中尊爲欲所至門閉下鑰誰
當開者天帝念知即時開門車匿見之心懼
悅豫乍悲乍喜誰爲我伴當作何計當復如
行於時四神即捧馬足其四部兵勢力難當
嗚呼大王太子已去何以不覺明日俱夷當
復辛苦吉祥微妙今不現矣於時菩薩思其
本宿謂車匿言善哉車匿以被曰馬箜篌樂

鳴六

十二

器俱時而作車匿觀空離垢諸天來無央數
諸菩薩衆而供養之察天帝釋自然開門覩
諸鬼神及阿須倫真陀羅摩休勒自然門開
車匿聞諸天語即報天言今見菩薩衣毛爲
堅猶如師子體紫金色當持功勳等如江海
此諸天力禪思來久以見勸許即當出去是
其本願所興吉祥施安衆生成已道義於時
其地六反震動面如滿月從空座起道德名
稱解心清淨天帝毗沙門天王而在前導放
淨光明普照天地滅衆惡趣衆生安隱消諸
塵欲而雨衆華鼓億天樂諸天咨嗟前後道
從有天名最上淨在大聖前又手自歸舉蓮
華目而啓談言哀度衆生甚爲巍巍本性明
冥悉以空虛吾無所樂多所哀念眷屬後宮
不復重聞吉祥之音其無量音今已逝矣不
覩天衆不察最勝不復聞香以消憂欲棄塵
勞山無復衆垢遠得究竟本無宮殿今無欲
想奉行慈心離衆罪蓋無復殃費壞抱精神

一切具足不慕衆香今日光光身心平等妙如神仙言說本末在家聖王今弱者強顯真名稱斷是王種而復失無極釋性消大福祚願令我尊在所至趣離垢無塵愍慈行哀觀見宮殿妙音已逝不復還入迦維羅衛無有放逸盡生死原不復坐起經行國中唯詣

鳴之

十三

精

佛樹無老病死至甘露道於是菩薩既出家去爲衆生故又無所行亦無所住不慕嫁女爲得大勝是大福田爲功祚地常行慧藥無數億劫積累德行布施持戒博學廣聞菩薩恣行戒禁清淨行無所犯不迷愛欲忍辱仁和段段解身不以懷恨愍哀衆生精進無懈無數億劫積集道業祠祀百千恒修禪定心意寂然消衆塵垢自伏其心慧無罣礙而無想念念其心解脫濟脫億載行慈愍哀以度無極奉行清淨分別喜護是爲眞正天中之天應奉事之清淨無垢心如明珠擁護恐難天眼無極厄者受歸病者爲醫在諸國土爲大

法王千眼中帝照諸迷惑身意休息興道威耀捨心怨結勇消諸塵在衆最勝無能逮者如師子步而無所畏如龍調心降雨以時導衆如牛以棄怨結如月盛滿光明遠照如日始出猶如大炬消滅衆冥喻如蓮華不著泥水德香微妙不動如山導衆瞋恨降伏身魔欲魔死魔天魔爲大導師迷失路者說八正道不久成佛斷生老病死度諸暗冥療衆惡瘡嗟歎正真不可限量顏色光澤建立功勳所嗟歎德令我如佛於是菩薩稍進前行覩五道神名曰奔識住五道頭帶劔執持弓箭見菩薩來釋弓投箭解劔退住尋時稽首菩薩足下白菩薩曰梵天之際天王見勑守五道路不知如之愚不敢達唯告意旨菩薩告曰雖主五道不知所歸無原所從來五戒爲人十善生天慳墮餓鬼觴畜生十惡地獄無五趣行便歸人本不慕五趣無以五陰三毒六衰則是泥洹不處生死不住泥洹便不退

轉受菩薩決無所從生靡所不生於諸所生悉無所生卿持俗刀五兵宿衛吾執智慧無極大劍斷五趣生死皆至本元無終無始求安無形奔識心解速不退轉無限天神皆發道心於是菩薩勇猛捨家邁出城門迦維羅衛一切群衆知太子去各各共談而歡喜悅

鳴六

十四

羊

俱夷明日從寐起已遙聞衆言覺知已去聽大聲響即察求之不見菩薩宣大音響菩薩及馬車匿王心感絕自投於地舉聲稱怨嗚呼一子勸化宮中大小歡悅捨無數衆今爲所到永絕我望何所恃怙四域天下當何所依俱夷隨牀婉轉在地自搘頭髮斷身寶瓔

天服遠逝暴露興立行業不見菩薩無不懷感國中樹木尋時虧落無諸華實諸清淨地悉生塵垢無復衆好仁尊所見衆音伎樂柔軟普響象馬車乘其虛空中莊嚴香瓶華香伎樂繒綵幢蓋至德已逝悉不復現柔軟至誠第一難遇俱夷歎息淚下交集人中之尊宿世積德參達本末欲度衆生生老病死又彼大聖修百千德慧不可踰於時車匿夜送菩薩菩薩脫衣寶瓔琦珍以付車匿持是還國啓白父王及以舍妻吾身棄國不慕世榮不好天地唯道是本若成正覺復當來還宣是經典以法相授使心寂靜不慕世榮車匿

第六

十五

極

何以痛哉是我導師依怙如天而棄我用復活爲恩愛未久便復別離淚下如雨不能自勝嗟歎太子顏貌殊妙心淨無垢清如深淵內外明好莫不敬重訓教真正靡不吉祥咸共歸命今捨我去爲何所至未曾放逸不爲馳騁爲天地主執正真道釋其沐浴莊嚴

著之而去車匿取衣及寶瓔珞牽白馬還至遊觀園園監見之悲喜交集不覩辭才寂然之故今此車匿取太子衣衆寶瓔珞及白馬還不當復憂其王聞之與諸群臣眷屬圍遠行至園觀亦懷悲喜俱夷心望菩薩當還不覩行來心疑不信菩薩當去聞車匿言菩薩啓父及謝舍妻得佛道已乃當相見王覩寶衣車匿白馬而獨來還不見太子自投墮地嗚呼阿子明曉經典衆奇異術無不博達今爲所至棄國萬民車匿說之我子菩薩爲何所遊誰爲開門其諸天人供養云何車匿白曰唯王聽之我在常處晏然卧寐城門已閉

極遠脫衣寶瓔及以白馬遣我還國啓王謝妃必成佛道乃還相見勿令愁憂於是俱夷聞車匿言益用悲哀抱白馬頸以哀歎曰太子乘汝出何以獨來還念前娛樂百種嗟歎懷感難言嗚呼痛哉莫不離別勢力堅強顏貌殊妙在於衆中如月盛滿相好莊嚴威神巍巍須臾相仰便復別去聖無等倫云何相捨功勲難量名稱普至咸共奉敬堅住如山伏諸怨敵音聲柔軟猶如哀鶯過於梵天積功累德無能喻者遠近嗟歎聖衆神仙莫不悲憇生憐鞠樹爲第一上口演甘露音聞十方雖在衆欲無所染著猶如虛空所施清淨

十六

柔軟如乳白毫天中聖體滑澤淳和安隱手足柔軟嚴好巍巍爪如銅色以德嚴身莫不恭敬在於宮中妓樂盈音華香飲食不以為悅心無增減嗚呼車匿無有仁慈將至所在校飾虛空演大光明散華燒香諸天妓樂同時俱作涌在虛空諸天圍繞以侍送之去是

明

歡喜陸導化一切云何獨去誰復將行出此

國土何故與諸天俱我獨辛苦車匿無狀挑
我兩目令孤盲冥車匿當知一切諸佛決報
父母尚捨親近況我賤室嫁女樂平毒哉恩
受何一速疾不能久存須臾聞耳恍惚不現
猶如聚沫思想所縛墮衆見網雖依人間奄
不知處本曾說是現行不真安須臾間苦多

無量所願使累早成佛道王勸俱夷人生有
終合會有離四時忽變天地日月皆不常存
太子初生天地爲動隨行七步口自宣言天
上世間我最爲尊當度三界生老病死今至
無爲天帝來下稽首供養四王接身置金几
上九龍浴體未生之時豫現瑞應三十有二

阿夷相之若在家者爲轉輪王捨家爲佛所
知博達力勢無限三界特尊無不稽願必當
成佛度脫十方來還不久且自寬思勿復愁
憂王雖說是心中隔塞悲哀難言於時車匿
見王俱夷所說辛苦益悲流淚沾洽衣裳諫
言善哉俱夷願聽我言勿得復悲我於中夜

喝六

十七

明

見二城中男女大小悉淳眠寐百福至聖與
我談語欲使被馬適聞其言心中隔塞遙視
尊妃極淳眠寐稱揚大音而舉聲呼速起速
起聖尊欲去天接音聲令沒不聞舉脚踏地
拍手過鼓無聞聲者爾時虛空日月光光無
數億千釋梵四天諸大尊神稽首爲禮又手
自歸供養至尊諸鬼神龍闕叉捷沓和魑魅
害鬼其四天王神足勃鬼捧舉馬足散者蓮
華芙蓉蓋華清淨無垢聖百福相感光巍巍
雨諸天華地六反震動華遍佛國但聞天言
促開門促開門門自然開無數億天前後圍
遼咸共供養不自覺身忽已過去出護所說

兄弟妻子諸天部黨上及天王志好所趣令
歸佛道不念衆惡默然不言以能咨歎菩薩
大德健陟有力施暢音聲天護輶響健陟負
載世之大聖速疾勿動無有恐怖惡趣之難
世護乘汝一心懼喜捨畜生身不毀導師導
師光明爲一切故汝必得度勿得展轉在危

厄處百千億天婉轉足下見捷陟馬在於虛空乘負菩薩嚴治塗路極好無限作寶欄楯若干品事燒天名香鍵陟本福忉利諸天圍於太子在邊天樂自娛俱夷勿愁安心忻然覩之不久人中之上當成佛道諸天圍遶於夜所造皆應道法今勿復悲百福威耀超絕群衆察是歡喜不當懷憂夙夜七日歎其功勲不能究竟尊人始時諸天供進不可盡極妃今利義不可稱載曾奉事斯光顯至真聖於是移成無極道念妃不久亦當復成人中之上王念菩薩不捨心懷適欲請還念阿夷相之在家爲轉輪聖王七寶自然主四天下千子勇猛若復出家學道必成正覺無上大聖以七覺意寶訓化十方三界愚冥寤諸不覺必不肯還當遣侍衛供養護之普召大臣諸明智衆卿等在家長子抱孫共相娛樂不念吾憂吾有一子竒相聖達無不超異居四天下一旦離別入名山谷絕無人處苦厄寒

鷁六

十八

明

暑飢渴窮厄無能知者擇取卿等大臣子弟五人追而侍之若中來還滅汝五族即奉王教入山求侍之菩薩遂深入名山五人追之不能及逮心自念言是爲逸人行不擇路何道之有也若欲還歸必滅我種不如住此五人所止甘果美泉悉具滋茂樹木豐盛悉無所乏菩薩捨國威聖無限心自念言欲作沙門志存寂靜威儀禮節遊行至山水邊定止天王知心飛天奉刀來帝釋受髮則成沙門內髻在處不知菩薩嚴飾衣服第一顯現手執應器思惟無念入羅闈祇欲行分衛容色光猶紫金耀巨身丈六相三十二萬民咸來觀之面像目視無狀所行周旋衆隨逐之徃古以來未曾見聞如是聖達至真神人光耀普照天人興念思其本末布施饋餧不知菩薩不慕居家若干品業衆人唯察人中之尊與天下異性告洴沙王大王忻慶今獲

釋或復說是焰天王或言兜術天無憍樂天化自在天王或復說是日月王維摩神主王聞是言歡喜無量即遣使者觀於菩薩何所至湊無供養者不得分衛即便出城使者追察坐山水邊威神吉祥如紫金山使者尋還啓洴沙曰坐山水邊時王聞之勑外嚴駕與

鳴六

十九

羊

諸群臣詣山水邊遙見菩薩威神光光踰於日明尋便下車恭恪叉手稽首禮足觀菩薩形猶如須彌結跏趺坐加敬歸命遜辭下意而與言談王曰太子生多奇異形相炳著德踰乾坤當王四天下爲轉輪王四海顥顥冀神寶至何棄天位自放山藪假令太子不樂本國願以鄙邦貢上處馬訓誨黎庶各使得所五樂自娛唯當納受不拒至懷菩薩答曰吾久達此一切無常樂天地位無可慕樂是故出家行作沙門觀諸幼少皆歸老耄顏色殞落面皺皮緩國土財寶一切如化情欲多難猶如雜毒墮入地獄餓鬼畜生智者所惡

愚者所貪吾除貪欲如棄涕唾身如樹果不父則墮亦如浮雲須臾則滅微不覺之忽然已過有毀懷憂不得父安夫人樂欲以自燒身貪欲無厭若飲鹹水從致苦患愚人不解自以為樂明智觀察欲如聚沫聖賢無漏唯樂法念充於智慧乃眾愛欲貪習俗者不見本際不了本淨王觀此身無有堅固所至到處常自迷惑不能分別身無吾我棄捐百千玉女心無所著不慕世榮第一思惟欲成佛道希有好德如好色者唯有聖達視色如糞察道真寶雖有父母君子梵志長者居士及與妻息身有重疾不能分取令無苦患國上位高金銀七寶何益於己日照天下不益盲者吾觀三界一切無常樂少苦多身非我有世間猶寄難可久居吾見若茲是故出家而爲比丘不慕世榮迦維衛者邦土第一轉輪王處也風雨順時萬民滋茂最和安隱吾不慕樂捨家爲道王曰善哉我得善利乃見至

鳴七

西晉三藏法師竺法護譯

普曜經卷第五

異學三部品第十四

聖吾志於俗不識至義國欲相請於無欲人
假使得佛唯見愍念以爲法主當見度脫我
遇十力宿有餘慶得觀大聖投身自歸禮菩
薩足右遠三市與群臣俱嚴駕還國

普曜經卷第四

千末 鳴六

西毒

儻僵主反剝奇造反櫟櫟音櫟具二汎汎方蕪反
淑孰音涎似連連反鷄鷄音精肪肪音方芳味屎屎音
戾矢三並式屎屎二並如敵骨犬音咬挽挽音
牽牽引也溺泥上奴的也鉤鉤音撻撻音
至象則轉也舐非舌取物也稽遲稽遲上音鑰鑰音

達知圖識等術天地灾變爲衆最師菩薩心
念今者此等自以己身計知筭術星宿灾異
爲衆人師所見奉事吾往其所問其所行能
知殊勝爾乃降伏講有無法一心脫門三昧
正定超其所學以權方便觀其本末目覩此
等所當行者出俗定意然後爲說深奧之定

無爲三昧乃歸大道於時菩薩思惟是已往
詣其所問言賢者所事何師誰爲說法而學
此業鬱頭藍弗答言吾無有師自然達之又
問今所達者爲何所獲答曰獲有想無想定
菩薩報曰寧可從人得學是定乎答曰善哉
從志所樂時菩薩起在於屏處結跏趺坐菩

音藥豐許觀反祇也祇音底械械音滅稽願上音啓
關也音也反沾洽下候夾魑魅上王知反婉美順也一反轉
炳著上音丙光明顯下音顯反老耄下音巨反皺則瘦緩胡管